



Baština Akademije nauka i umjetnosti Bosne i Hercegovine

**Simpozijum Perinatalni trendovi i socioekonomski status u Bosni i Hercegovini, Sarajevo, 20 decembar /prosinac 2008.**

**Šimić, Srećko; Mehmedbašić, Senad**

**2009**

Akademija nauka i umjetnosti Bosne i Hercegovine

<https://bastina.anubih.ba/handle/123456789/867>

Preuzeto s Baštine Akademije nauka i umjetnosti Bosne i Hercegovine

<https://bastina.anubih.ba/>



AKADEMIJA NAUKA I UMJETNOSTI BOSNE I HERCEGOVINE  
АКАДЕМИЈА НАУКА И УМЈЕТНОСТИ БОСНЕ И ХЕРЦЕГОВИНЕ  
ACADEMY OF SCIENCES AND ARTS OF BOSNIA AND HERZEGOVINA

---

POSEBNA IZDANJA  
KNJIGA CXXII

---

Odjeljenje medicinskih nauka  
Knjiga 35

---

**SIMPOZIJUM**  
**PERINATALNI TRENDovi I**  
**SOCIOEKONOMSKI STATUS**  
**U BOSNI I HERCEGOVINI**

---

Sarajevo, 20. decembar/prosinac 2008.

---

*Uredili*

Srećko Šimić  
Senad Mehmedbašić

SARAJEVO 2009.

## Pozdravna riječ

Poštovane kolegice i kolege,  
Želimo vam dobar i uspješan ovaj radni dan.

Skoro svi ste aktivno učestvovali na prvom simpozijumu „Perinatalni trendovi u Bosni i Hercegovini“ koji je održan u ovom amfiteatru 24.11.2006. Drago nam je da se možemo svima vama još jednom zahvaliti na odličnoj prezentaciji perinatalnih zbivanja u Bosni i Hercegovini.

Zaključke sa prethodnog simpozijuma prezentovali smo Federalnom ministarstvu zdravlja i ministar, prim. dr Safet Omerović uvrstio ih je u projekat „Strategija razvoja zdravstvenog sektora u FBiH od 2009. do 2019.“

Delegati Doma naroda Parlamenta FBiH prihvatili su ovaj dokument i sada treba sačekati potvrdu u Predstavničkom domu Parlamenta.

Ministar Omerović je kao glavnu prepreku implementacije ovog projekta naveo komplikovanu mrežu zdravstvenih ustanova sa neracionalnim sistemom upravljanja i bez saradnje i saglasnosti kantona/županija.

Odboru za ginekologiju i perinatologiju Odjeljenja medicinskih nauka ANUBiH i Udruženju ginekologa i perinatologa Federacije BiH, kao jedno od strateških opredjeljenja, je i dalje praćenje perinatalnih trendova sa svih aspekata u Bosni i Hercegovini i ovakave simpozijume namjeravamo održavati i dalje svake dvije godine.

Jedan od zaključaka sa prošlog simpozijuma je bio da se u sadašnjim kadrovskim, materijalnim i organizacionim prilikama ne može znatno više postići u podizanju medicinske pomoći, a samim tim i perinatalne trendove promijeniti u pozitivnom smjeru. U nekoliko referata naglašene su socioekonomske prilike koje znatno utječu na stopu nataliteta, perinatalnog mortaliteta a, samim tim, i prirodni priraštaj stanovništva. To je i bio razlog da se ovaj simpozijum organizuje na temu značaja socioekonomskog statusu u perinatalnim trendovima u BiH.

Za ovu analizu je prof. dr Milanka Miković izradila anketni listić koji je, uz najmanji broj vrlo jasnih i programski ciljanih pitanja, omogućio dobar pregled odnosa perinatalnih trendova i socioekonomskog statusa u Bosni i Hercegovini na čemu joj se zahvaljujemo.

Na osnovu analize primljenih radova i prezentiranih rezultata ovih istraživanja koje su dostavile kolege iz svih dijelova BiH može se dobiti realna predstava o značaju socioekonomskog statusu naših žena u fertilnom periodu, o natalitetu i uopće o perinatalnim trendovima.

S obzirom na ovako veliki odziv kolega iz cijele Bosne i Hercegovine sa aktivnim učešćem, nadam se da ćemo dobiti možda po prvi put pravu predstavu o značaju socioekonomskih faktora u reprodukciji naše populacije.

Rezultati istraživanja prezentirani na ovom simpozijumu biće predstavljani Federalnom ministarstvu zdravlja kako bi se iznašla zakonska rješenja koja bi popravila ovako loše stanje u reprodukciji stanovništva, kao i javnosti, a posebno bi bilo korisno da se sve ovo prezentira i javnosti u kantonima/županijama koji su sa Kantonalnim ministarstvima zdravlja obavezni kako za opšte unapređenje zdravlja tako i unapređenje reproduktivnog zdravlja.

Prof.dr Senad Mehmedbašić

Akademik Srećko Šimić

*predsjednik Udruženja ginekologa i  
perinatologa FBiH*

*predsjednik Odbora za ginekologiju i perinatologiju Odjeljenja  
medicinskih nauka ANUBiH*